



美閒草原序

嘉定汪明際撰

詩之詞句詩之粕也詩之意味詩之漿也取粕而登之于床漉之而得漿焉粕則旋棄矣此辭與意之况也今夫取米而噉之腹果然則有之矣以言乎人之熏騰而若有物憑焉蔑有也或者遂欲取其粕而宛轉戀之世必以爲愚而可笑矣凡詩文之爲道皆然詩爲尤甚詩之字句不多非若文之可以鋪張也故貴有一唱三嘆之旨焉苟取若人之詩而讀之一或

咀味而泊然無有此如既過之粕不可以再陳其能
徘徊於喉吻之間而不能去耶今天下之名能登壇
者不知其幾有才有學者不知其幾至於較趣味之
久近咀嚼之多寡則吾友震父而外指不多屈焉震
父之爲詩也腴貪夫之腹則不足芬道人之口則有
餘然此可與知者道難與俗人言也試進橄欖于不
知味之前甫到口而卽棄之于地矣其能姑忍耐之
以須其回味乎噫此震父之詩所以爲妙也

美閒草

震澤萬一龍震甫著

景陵鍾惺伯敬選

投土橋店寄聖僕

送客一年盡爾與我爲別別老送彌長殘陽挂林雪
念爾未到家我已止行轍意况風淒淒窮簷火不熱

送王伯玉歸吳興

不及山中雲先予能識君其如白下酒幾設未成醺

人事冬春際江天雨雪分隔溪樵凍響夜客到家聞
觀宋比玉漢玉塵柄歌

古玉一尺交雙螭磨稜倒角不可持潤如美人面上
色枯如禪客手中枝何年出土復入土幾見山精化
水母博物應須張茂先殉人不特王夷甫以我得觀
非偶然奚况居然君有焉

咏美人畫蘭停筆

蘭心運淑腕心到腕徐徐未藥生香早將芽帶雨初

濡毫深結想臨素轉躊躇所以摹幽紉何曾異法書
芳閨如谷邃佳夢倩郎胥顧語傍窺者于中自不疎
送許令則還雲間兼簡眉公先生

去來於杪冬少緩亦懂懂有意各難盡也勝初未逢
江帆引山照鄉樹開春容笛步高齋下憑君問雪筇
紅鸚鵡

隴族通西極於南得氣全近移朱雀里遙溯赤烏年
一正形他襲三還度爾仙物靈應有變我見更誰先

匡可蓬萊竹飯須火宅蓮惟中能見表常得語君前
逢求仲先生投贈爲別

白門一月游誰曰了公事幾日雪中山幾日城南寺
衙齋已自冷簷水欲垂地客如井大春亦聞懷片刺
園林啓清宴夜漏過三四燭照瓊樹光生花散天瑞
平旦卽有別無能從後轡期棹春水湖茗青兩峰翠
夜過常州不得敬伯先生消息兼懷林二茂之
沿路訪居停兼程及晉陵長年偷夜柵風寂恐堅冰

樓戍傳三鼓鄰船照一燈太湖山雪滿乘月好携朋

賦得朗月分林霽

以夜爲太古俗月開天荒微微若有待脉脉遙相望
山缺已明豁林深猶莽蒼起步平地上影藻流煙霜

除夜

湖靜凍未堅予歸渡將黑不然窮一歲隔水苦今夕
十年百二晦點檢半行客少小樂維新衰遲轉追昔
爲爺懶責子慰母強筋力春先何處來眉端可察識

立春雨晴聞百舌
雨挈春來春挈雨辨之不得空延佇出門問柳問梅
花百舌嬌嬌向人語語新多轉轉多情今日今年第
一聲爾舌不私吾聽早一聲無處不春晴

穀日任夫梅花樓看雪

霏微吹凍塵漸漸可花茵酒暖春魂托樓高夜望勻
享天全眷容計日已逢人蔭映清輝裏高酣咏再晨

魚燈

來應從丙穴濯許借咸池水火何難代人天不可知
勞頰寧獨尾照素有相思藻咏芳春夜誰非羨爾時

夜坐

止足豈不樂出門皆有因得此深坐夜放予多累身
居然方丈地恰受一隅春月以香爲霧花將影傍人
風雨日日不及一醉梅花

年年正月二月邊精魂盡落梅花煙春風無聊酒無
賴吹眼不醒花在天今春春雨連晝夜花事酒情歸

一舍瓦甍空對未開枝
惘然春光風雨時

夜晴寄珮卿端卿壽卿

春霽無再宿冥冥今夜中
星光不藉月山氣自爲風
暗篠幽花路孤村半畝宮
所思藁一望水處覺天通
折得古梅一枝寄靜甫

入林着意選欲折且徐徐
不獨難于畫真堪當以書
寄君燈下看知我雪中居
剩蕊含春細開須二月初
舜五席上賦松江鱸送別得青字

涼風追故美鮮雨膩春腥
蕙鼓空千里花醪可數瓶
山家豐水饌江路繞鄉亭
明日看君發誰堪楊柳青
吳家池看未開梅

山夜懷公美

孟月盡來時梅花欲待誰
幾家飛雪點一體受風吹
雖是山之僻難言氣不私自憐
遲暮色臨照帶春漸
竟日何營營於夜轉多想反側坐
爲卧躊躇偃而仰
彼美素心人厚得山水養
溪中春正寒酒醒月未上

枕上聞風雨聲惜梅
陣陣與聲聲燈邊枕上生不知花幾信又是雨三更
夢淺難移聽春寒強定情數株吾所有偏植未開晴

餘雨

餘雨散爲霧春風知未知客心芳草色何事一齊吹
二月朔日孔先生諸子偶過篠園飲別得交字
步步引蘭苕吹香薦野庖不期今日會已是仲春交
情與文生別風先綠在郊花時復浪出誰爲解花嘲

篝燈獨坐看餅中梅影映壁上畫梅

香吹壁上塵雪照火邊春對默生雙肖相思化一身
分知合是偶我覺爾爲真坐到平明者應難語向人

二月八日

二月八日天氣變春冷不行冬夏戰風前蒸熱雨中
水水底轟雷雪初電南村北村多閉門梅花杏花交
斷魂村翁今年五十四五十四番同一視風俗猶傳
晉陵事家家凍盤修嶽祀

同觀公瀹茗看籬落梅花

積陰無可奈籬落自爲天
蟠屈安其拙幽舍任所先
薔薇分露洗茗葉鬪香煎
相視諸緣民惟茲得見前
花朝胥江舟次與實父弟別

今日花生日如何不見花
時禽關別意歌出柳風斜
曉郭瞰相負春江綠是涯
同來一宿處臨別指爲家

咎月

濯水濯雨耐陰寒忽照孤舟野水灘
一度在家春幾

夕梅花開了不同看

六日雨

出門拜慈母把衣問所去兒言晴五日可以達其處
旣發慎風涉舟算多乖睽六日雨來沛行人猶路陸
籃筍無遮幄蹇策淖淖淖淋漓村中花顧笑僕夫病
尚有百餘里步步遭與迤私計母心慰見雨頌天仁

路半

路半止行客何曾待夜昏携得桃花雨投須楊柳村

句曲道中寄比玉

予發丹陽西君出茅山東相期入縹緲相望空溟濛
蒸蒸浹衣泔飄飄生腋風枯林上微綠高花舒早紅
同此一雲霧不知雲霧中

石馬冲

楊鬣春田中相怒不相前牧豎戲爭躍拂落青連錢
白門客舍古梅一株予不見花二十年矣今年
盛開偶爾相值喜作四絕命童子連環歌之

每來惟見葉離離今復看花滿舊枝行李便將花下
頓坐眠歌飲在于斯

坐眠歌飲在于斯喜不來先與到遲兩鬢未須輕見
妒花曾見我少年時

花曾見我少年時花外經營總不知尚有未開三五
藥明朝歸計且遲遲

明朝歸計且遲遲細語梅花說會離二十番春一回
夢幾多明月照相思

哭張子明先生

父執惟翁在生平得見之此番成一哭以後更誰尸
簡遠遺音載清靈屬續持香燈司老僕托夢我來時

芙蓉山看杏花

山以秋爲勝今來獨不然數家同稅地一望可名天
花淡經初雨村寒逼禁烟城中有好事就飲只携錢

清明日城南卽事

節好春之季嬉偏性所存城闕爭若赴類聚各成喧

綺錯山容冶風靡酒氣渾祠前舍利塔人外李花園
江照分洲鷺天飛鬪紙鳶尊罍猶滿地燈火漸生村
懷王永啓先生

城坳萬綠隱樓紅滑滑鶯聲細雨中養瘵儘堪銷暇
日歸心不待起秋風茶香東道須名衲山水西泠得
寓公過嶺梅花開一遍喜無他訊累書空

毘陵夜訪陸懋孚

讓王祠畔路東去幾何遙轉巷隨他火維舟記此橋

到猶防已出見乃是良宵知有心神合應先貯百瓢
越來溪

草烟綠奏柳垂低橋對斜陽墮影西聽罷情歌聽啼
鳥吳船搖過越來溪

四月一日

細風入紅簾曉夢吹不覺覺來春已去燕語瓶花落

壇上

石面坐壓雲襍褻水心照見人伊誰春歸一日雨愁

盡渡出半帆烟影追百年再百酒堪少先子以先文
在茲暄風寥寥午時起陰却綠陰無可吹

落紅鋪地看玳瑁猫撲蝶

軟翠作茵紅繡貼晴絲不繫撩花蝶春猫睡足眼光
生撲捉翩翩滾香雪香雪斑斑體色宜若爲輕迅若
爲遲蝶飛忽趨墻風逝日影在簾春在地

牡丹

自應生愛自矜持自倚朱闌影綠池造物也難工藻

繪旁人空說費胭脂相俛欲有春心托寂對如聞夜
語私最喜客歸逢穀雨淡晴天好乍開時

孔先生餅中古梅竒幻可愛而生意都盡復以
象生生之首夏驚賞儼然冰雪間初折枝賦此
爲贈
殿色盡歸綠初芳得所因天應私可問日以見爲春
付物裁新意忘形待故人卽真元在我餅水換須頻

葑山亭作

到此一諸念宵然何處通僧安只見水漁出每因風
南陸日長午東偏天盡空越帆先匹鳥飛落葦蕭中
嚴任夫以東山花月主人自命命予作歌

花氣生陰月生霽陰霽相生花月膩問花問月主人
誰主人亦有東山妓山夜夜似春江春夜月可花花
可賓賓主忘情一天酒月照花眠香滿身

過獨柳居

碧柳垂垂只一株到門因此得相呼先生賣藥歸來

早枝上斜陽挂酒壺

風樓

重屋從中起槐棟百畝餘太湖見八表徐風飄四虛
當之炎炎日有此高高居帆影在花簾秋聲歸亂書

寄贈蔡孟銓

東方美人居有竹一蔡自能當二陸種魚之法習已
熟數畝雀田畊不足留客每從雲上宿樓開滌翠寒
如瀑幾時來餉桃花粥我家隣僊亦名族煉藥洲拋

太湖曲

湖中有蔡仙煉藥洲

美人圖

無聊聊復掩輕羅花學含顰月肖蛾替入畫圖終是
貌繹將愁緒強成歌生烟送綠春天遠艷水埋香晝
雨過芳訊不通簾半揭喃喃雙燕語何多

入龍引

有序

承夏兒從郡西渡太湖雲霧間八龍蜿蜒而下水
沸山躍葉舟颺舉徘徊瞻顧左右前後皆是物也

乃有天幸交臂神物得以無恙告予予記短引

澤湖神物之淵藪時出時沒時無有庚申六月二十
九羣然掉尾驤其首崩雲倒傾山負走立水上鬪天
爲吼千霆若出左右手親見渾沌陰陽剖兒歸以告
予曰否汝非荀兒莫騰口

雜感夏夕涼坐懷仲和

日乃苦煩熱所思冰雪顏伊人隔一水宛爾在孤山
秋近虫私語雲忙月故閒桐陰清露下滴滴小庭間

七夕前一日孔先生園中作

未覺星期濶前來話晚涼自交揮汗日俱以屋爲裳
嫩竹多霜色遲蓮逐葉香秋還在何許幽思滿林塘
初秋日送施善長之北地

秋爲初到客即便送離舟路逼三韓地表先七月裘
不知他日會何處酒家棧去矣還初戒邊烽夕未收

紫薇花下坐月

低罩庭心數尺多露秋涼沁月婆娑去年亦似今年

別斷盡花魂酒夜歌

許元燮招同金斗一納涼臺上

復熱思新爽君家有露臺相邀一夜坐儲釀十年開
秋綵憑雲繪秋殼待月催欲分還自語無雨是先雷

觸熱過曹去非山館

瓜探井底切紅水豈種籬根絆綠藤相對儘忘秋暑
酷出門襍穢在家僧

八月十五夜太湖泛月同元燮斗一

明月在水上青山行酒邊孤舟一萬頃明月五更天
情者自無那影人相顧憐倘非初拭雨秋得此爲然
中秋後任夫以忠季昌實父飲別晚香亭

得酒以爲得山人將出山會當離夜好醒覺醉時閒
傍水板扉白出烟花月斑秋聲一兩樹淒切奈何間
井上月

是處堪秋月如何向此明露淋梧翠滴陰發草虫鳴
照影深深怨期圓脉脉情及時剛就手縷斷轆轤聲

涉江采芙蓉
遵渚聊褰碧
迴橈恰傍紅
比容惟自悅
欲贈可誰通
暮起人喧處
秋歸女伴中
情多憔悴易
不待鯉魚風
懷比玉因題其畫

風雨在孤舟
推篷見虎丘
漫然爲昨夜
聊已過中秋
卽事寫懷抱
於時爭去留
飛鴻復點點
鳴葉正颼颼
顧默孫兄弟
同溫遺民訪
予湖上卽有石公龍
涖之游期以數日
復來不果賦此寄酬

不獨耳能熱
所聞常醉人
已云真把臂
猶恐是交神
山引雙溪棹
霜爲十月春
林中白石爨
門外野雲身
欲別曾三訂
重來可一旬
燒燈幾夜坐
耿耿到清晨

紅葉

幾許可憐色
見時江雁飛
半山殘照裏
相送一僧歸
答沛上寇尊生
見寄尊生子弟
實甫友也
天波匝地澤
湖深山氣成
雲砒碭陰芍
藥贈來人隔
面梅花探去
月通心開樓
倘亦因玄度
好俠應先得

季任所約屢移寒欲盡草青青看馬駸駸

月夜登吟壇懷吳居士

杖屨自爲朋荒壇閒夜登遠烟生處水寒月照來水
梅意若爲動酒情非有恒空林擊木響知爾課香燈

夜飲劉虛受山園

一隅將一畝山水以爲家城夜孤村犬樓寒老樹鴉
因情能入澹於想自生遐宛醉石公石烟中明渚花

百先偶會郡中夜話

不記別之年一寒長至前店家燈下酒江渡雨中船
母壽各爲賀客衣誰着綿此時還此地情夢黯生憐

冬至夜同任夫斗一歸自郡中口號

日歸南至喜相將舟到雖遲渡已忙稚子啓戶客待
火鴉雛叫寒天滿霜一百五日平旦起三十六旬今
夜長情話幾多深醉坐草芽花蕊動微陽

葉仲衍養痾南菴寄訊

雖曰方之外舊居斜對門寶光寒怯照鈴語夜相存

半臂漸花靄雙池濬藥源窗間一樹月帶雪引清尊

積雪

積雪在林端最宜樓上看思應能自遠神覺未相安
疎處孤烟起一年今日寒松風亦無賴吹得浪聲乾
寒霖不作雪滴滴在簷牙如此晨昏際伊人天水涯
傳言常病酒或對有瓶花莫使東風疾先將春到家

不實元日與實甫實甫客歸一日

竹竇寒生煮雪烟草簷低瀑洗香泉陰晴氣候占新
稔師友家庭借汝賢詩和催梅多急就禮謀于野得
從先春遲半月休相訝昨夜人歸是去年

適園對雨正月四日賦

歲兼新舊雨如未厭無端益霧非初響滋芳不甚寒
老情兒女近私賀杖藜安香澗松花甕青歸菜甲盤
也知春欲渡待霽在江干

人日喜百先君治訪雪湖上同得粧字

渡客邀山雪，懽然過草堂。寒暄先及酒，昏暮轉生光。
自此雙扉掩，從新六日忙。小庭欹獨樹，花不待催粧。

雙餅梅

折枝俱當意，因得置朋尊。雪破枯林凍，春分滿月痕。
無人能自好，隔水是同根。不忝吾兄弟，中宵與晤言。

客去

矮屋埋深雪，風聲一何繁。客去酒剛來，燈勸梅花飲。
史滄如携琴過訪

櫻桃花開山雨紅，有客乘舟雲水東。舟空祇餘三尺
桐，仙人氣骨林下風。姓名不署神相通，別云訪我若
不遇，自彈一曲出門去。

桃花曲

四首

杏不遲梅，梅不先桃。花爛熳亦同天，艷陽無賴水霜
苦。顛倒春心過一年。天寒易冷，曉風吹。正山寒、更
花開未了，已生愁懶。逐羣嬉，不下樓。啼鳥數聲，風幾
信可憐。枝上五更頭。

湖上爭妍千萬重如何怨只怨他紅也應命薄能相
似難道春風面不同
日日看花紅雨村落花天氣易銷魂虎丘山下真孃
墓若箇游人爲掃門

王修微期會菰蘆中予已出山悵然答意

聞說麻姑訪洞庭太湖雲袖拂烟星水西人去空洲
遠一片叅差荻笋青

別詩

有小引

蘇州別詩 有小引 蘇州別詩 有小引

秦淮楊美人字纖纖載生花之筆泛太湖越月盡
歷兩山名勝歸志央焉風波作矣予家寂寞之濱
以飄泊得至信宿盤桓悲歌爲別

誰謂風波起風波最有情花船雙影燭柳夜一聲鶯
幽寫分藕澤圓期給月明片雲從此夢無處不盈盈
夢徐惟和
生死定交交臂前詩篇已作古人傳夢中無處堪頭
白每每相逢只少年

葉肇禧還朝

天氣方炎際公家有事時兼程兼日去若此若爲遲
楫擊江雲起服微關月知鳳皇需翰染烏鳥答情私
舊館誰堪主先鞭我導師
送王公武
燕客曾期我待君今翻先我度江雲
收急雨遠天豁
炎氣作秋風發時當多事
戎裝前昨日安車
今不然

六月二日比玉過飲白門旅舍待雨畫竹因有

昔年待雪之感遙酌玉長賦呈聖僕

大雷轟轟挂簷木酒墨淋漓風滿屋
雨氣寒迫待雪時當時已失吹簫玉
一暑一寒離會間何郎俠骨瘞
湘山寄言城外早眠客
迸淚豈花籬落班
聖僕招泛漁灣觀漲期
比玉不至

六月清淮水盡益巴川流數曲
一城外小泛如登樓
日午風氣變朱炎爲素秋
柳蟬鳴浸中江
鶴摩檣頭

齋盤潔冰玉瓜沈李能浮主人非選客即契無他求
醉我猶待君暮山頻掉舟

舟過鳧藻閣

曾爲湖上客閒領一羣鷗柳色知新水城陰會早秋
於時神日暮此外已山丘俛首孤舟度殘陽與逗留

天界寺逢一雨

出門暑氣流汗到於今竟日惟搖扇清風自隔林
向能容懶漫何以答高深奈可憧憧往船開雨半陰

對

天界寺逢一雨

兩山相對住多不在山時于此一爲語偶然如有期
空先文字立老未杖藜知餉午松齋雨因風細細吹
兩過茂之新居俱值他出

蘇東

近遠居新徙尋求路轉微詎知連一巷依舊掩雙扉
傳語經旬出會期昨日歸寒蟬在林樹聲帶夕陽飛

行路

六月十七夜作

驕陽冷天地當午息徒衆睐睐星河生喧喧車馬動

僕夫促就路行矣尚爲夢數里偃林木幽黑若深洞
既出見遠火雨忽倒千甕淪浹膚與髮衣襦上新凍
感此一晝夜迭爲寒暑用予生亦何爲甘受物玩弄
歸將事吾友吾友於陵仲

舟中立秋

執熱亦云苦自爲行路吟快聞秋已是更值柳之陰
不盡水天意漸生冰雪心故山窮巷裏到夕可鳴砧

吳門七月七

承天寺作

吳門七月七異我山中秋穉塔崇沙磧神燈賽女牛
風涼寺裏樹月淡城西樓一段明河水何年截愛流

哭孔先生

五日曾題絕命辭鶉鳩聲亂雨絲絲別經累月緣何
事悲入清秋尚未知恩義兩歸無不盡古今應負幾
相期藥房斗大燈帷冷吹殺西風獨樹枝

施正甫雨宿山齋話舊因感道行先生次韻

蛩親螢燭稀山氣鬱松扉十二年前宿同然夜雨微

幽花香不見碎葉暗爭飛再昇陶輿訪嗟吾願已違
水宿弘濟寺同王扶搖擁衾待旦

舟貼半山寺水生殘月天雞聲不在听鴻影乍離烟
路曉發於此心秋歸獨先隣曾高擲火竟夕照無眠
鄒舜五泛太湖採蓴見惠湖中向無蓴採自舜

五始

啖霜鱸脯蓴芽紫採者年年擅其美一七重封寄到
時洞庭山下秋風起山下秋風會未知湖中已自有

絲絲參差縮帶多似是膩滑晶瑩能獨私菱湖泖湖
物靈接千里儲羨非浪說六郎好奇發此端日弄小
舟風露寒

公題比玉畫

雲去冷石氣樹撼搖山風幽人有茅屋坐對秋江空
端卿往潤州予往白下舟行相失寄之
把手無多語各人催發裝所期於鐵甕相失自金閨
一路初寒色兩船明月光君懷予得似只隔水微茫

仲茅露臺成招飲月夜

十月十四

臺生新閣外山不隔城看風葉交飛
竿霜鴻度倚闌萬聲都沈寂
一氣自高寒平地多明月如斯會意難
揚州夜泊卽事
江空城夜冷高樓有美鳴琴樓上頭
只此柳窓微月照似他花澗暗泉流
幽音彷彿因情寄遠聽其如不見
愁誰謂廣陵絃已絕巫山巫峽在孤舟

送伯敬先生督學閩中

星郵未曉催路起石城隈雀舉遲
江箭鼉鳴股雪雷門墻因地峻
霜氣得陽回四字昭天秩全閩
範楚材聲聞國雅作噓動物靈開
相送先春草相思卽夜梅
雪夜懷無邪兄

屏氣對孤檠有無窓外聲未察夜何謂
可勝寒不輕之人隔縹緲於我勞心
情來歸卽歲暮披凍理榛荆
臘八日出都門寄聖僕
一冬寒旅食今復履嚴凝
蜡里應遲我齋緣已誑僧

遠青殘雪襯荒落古雲憑只是難爲語情人別未曾
寄懷葉中祕時奉使出塞初還金陵

無數江南樹蕭蕭待綠吹春將歸信及星比使君遲
夜火明高壘邊風裂凍旗闐闐出塞意惟有雪鴻知
立春夜夢中作

萬藥千花嬌綺羅歎紅人少踏青多春來只覺山林
小樹樹鶯聲到酒窩

初雨

好雨來何許若隨人賀年減寒方却霰將曉尚爲烟
喜不三農後滋能百物先晴陰亦常較今日始知天

歲首和陶

開歲倏五日曾未啓籬門雨雪互相代水泉生石根
鄰舍息往來但聞兒女喧昨從少者後今列丈人尊
返顧此日月所事詎可論架上故紙落盎中新酒渾

爲樂亦何之溪山常在園

春雪中舜五諸子茶讌藻園同用心字

風雪不相泥與春同入林樹榮花借貌泉哽石爲心
客許分清享天應諒苦吟還憑數片葉消得夜寒深
十八夜看燈元爨家燈旣竒豔有古梅一枝橫
絕竒豔中最當予意因作此歌以醉諸子
月林醉客客三五踏月看梅看燈火及到君家夜當
午如晝高堂雪蛟舞觚尊翠澁商周土隔紗調語紅
鸚鵡秦蛾漢燕妝楚楚禁柳宮花碧煙鎖主人氣骨
自清古置予獨傍梅花坐一枝恠寫春心苦影香不

落孤山譜

寄贈雪郎

芙蓉香豔玉精神顧盼生秋笑可春好問使君新出
塞後車千騎擁何人
娥娥弱質強名郎曾向天山犯雪霜千腋瓜瓠輕不
御隨身自有辟寒香

雪中看梅吳家池追感道行先生

歲歲年年地家家樹樹梅杖携從每後瓢棄此空來

春雪無三尺春風又幾回
獨吟池影照不恐踏蒼苔
楊無遠訪山中不數日
卽還雲間送之梅下同

觀公輪公

獨自維舟客因子興乃乘小
談消夜夢半醉落春燈
野水烟香溼晴山雪豔蒸
同來送別者一二看梅僧

題白民畫竹

髯郎好竹好神仙收拾清風自賣錢
白紙小窓茅屋裏夜吹蕭颯曉生煙

江樓看雨中梅聞笛

故是來看好千花在一窓
氣寒移晚爨香濕委春缸
何處傳遙響伊人怨隔江
見聞俱有意高溜自淙淙

三月一日聖僕夜日堂與陳幼謙飲別

清明後雨傷花神一雨半旬晴未真
紅香可惜在今日白首相逢非別人
秦淮水新酒船動皖城柳綠歸
裝貧欲行不行天欲暮北風吹冷江南春

費節卿招集雨堂出張鳳姬度曲同比玉賦

春堂雨寂燈焰銷美人按曲情絲飄新鶯之聲不聚
驕坐客相對俱魂搖莫愁家傍城西橋

日白林中草

有序

予有林中草二百六篇失去三十餘年已無可記
憶二日子丘茂之伯仲購得金陵市上質諸俞駕
部謬以正聲見賞予聞而索觀有若探環兒手中
物也且向時酬對諸子存無十二感慨係之因賦
五言以報伯仲并呈駕部公

少小慕結撰往往付蕉鹿憐才有二子行市偶僞購
故紙與陳言得似蛾眉贖持歸質吾友乃識初面目
夢人恍隔世交臂多鬼錄感嘆如見之再誦以當哭
春風吹秋聲空烟散江綠
月好東聖僕比玉

春應如夜過三更春月無如今夜明乍見不知爲客
遠獨眠還起踏花行影邊之我聊相顧照裏伊人乃
一情以此清光閑未得抱關胡早閉重城

延陵道中

二麥青黃雉子斑棠梨花滿夕陽山山村接望無烟
火寒食寒猶在此間

登茅峰有懷

路出靈峰幾折盤杖藜因勝險而安四民俱到惟三
月五嶽將游此一端氣結仙雲泉別玉歲占豐穀樹
生丹曾同獸窟山頭望眉列東南黛色寒

惠山三泉亭見此玉題壁詩喜賦

亭以泉立名泉以亭爲表旣曰有其一二胡不可少
一泓靈氣泄天地亦易老甕盎與瓶罍轉注無昏曉
博施豈不厭所達窮陬徼吾友百越來更值歲云杪
秉燭嗽芳潔題詩見懷抱松風走蒼壁陳烟悉如掃
誰知古釵脚石室之鴻寶

聞潘商城改高陽李崇安改德清因寄

見說移花去春風到已先依然百里內得近五雲邊
事簡堪眠晝憂深在補天高陽有地主多謝酒人賢

我憶神仙令承明謁帝還新隣鏡湖水舊治武夷
山奉薄會分寄風清得卧閒喜茲迎養好一日往來

間

送春前一夜雨中永福山樓聞笛同端卿實父
端卿方安塋兩尊人

豈勝春咄咄那更雨沈沈苦竹三更語慈燈一點心
砭寒來自遠卽事聽難深早已無花落樓頭空積陰

字以送春

相逢殘雪蚤梅邊相送凄風細雨天自小鍾情今老
大又看明日是明年

新夏山中懷沈雨若

楚色烟中暮山情水次寒奈春將別賺分日共游難
客路棠梨雨誰家芍藥闌愁邊如慣歷佳處不曾看
絮歇游絲懶梅青酒病拚燕簷新竹刺蝶寢夢香殘
遠素雲空劈枯塋草未安所懷聊自許觀漲會江干

傳公訪山中有贈

公善易善青鳥每
相合同有奇中云

慧生應有根用易乃周身念若不同世見無非宿因
水邊山下地心上眼中人於此感相示吾師唯一真

送寶父

有引

寶父弟歲往彭門必於春夏之交以爲別情景相
值人何以堪茲行先一日雨如綆不止乃與掀髯
促膝小酌細談曰一別一回老矣旣深處仲擊壺
之嘆復銷江郎南浦之魂爰有是詩書歸懷袖
只此雨聲內其如爲別何隱憐山業淺老媿旅情多

沈月春衣酒愁霜曉鏡呵離根看弱絮隨遇用懸河
砭砭平城岸田田遍地荷水防非末議阜處着行窩
葑山亭送傅公還桐溪同養浩孝真

見水卽有別舍舟如放關幾盤溪上路一碧寺前灣
風晚先聲濶雲晴寫照閒小亭同飯處明日隔湖山

寄聖僕

有引

聖僕二兄以壬戌之五月五爲五十四初度端四
日予始至京口望石頭盈盈一水逕往未能聊寫

此心因風遙寄云

望去二三百里遙思君五十四明朝倘然無客自飲
酒亦復有聲能倚簫長命會投黃玉杖放生船待青
溪潮柰何時地不相及雲曳片心江上搖

後游

小引

潤州城南十餘里有獸窟山卽劉宋處士戴顓高
卧處也向曾携家相訪夢想不忘壬戌夏五重爲
一瓢一笠之游時山靜泉清契若千古亭閒寺冷

閒無一人快拂前題漫成斯咏

永夏清和後高尋寂寞濱詎論閒歲月能寄此精神
園處徵嘉樹山窮見古人寒泉不照日幽鳥倘啼春
練影松關度風聲虎穴鄰題求會記石顏厚半生塵

甘露寺

坤靈用不慳勝處着江山此有若僧待我游成老頑
龍宮鐵塔下麟塚玉浮間五月風秋氣千櫓日暮灣
蘆青將舫去雲濕美潮還石爛唐人字岡雄楚客關

寒裳卽壺嶠分服帶荆蠻殿背螺雙髻樓窺豹幾斑
庾塵那得到謝塵竟須閒松堰飛蒼鼠花籠放白鷗
亦知城近遠烟火自人寰

伏日江上懷曹元巽

晤語無多便出林榻曾許可宿藤陰而今兩地過三
伏以上千秋契一心脉立浪頭風坵岸鼯鳴城脚雨
埋岑相思正苦還私慰雪色麻衣暑不侵

聞疑父薙髮雲棲感賦

持心作慧亦撒手斷恩眷遠投虎穴中虎亦爲君善
一髮視一染薙去明光現想此薙髮時對佛了洪願
所恨遲十載不及大師見

一夜雨

一夜淙淙直到明何其慙作夢中聲不知此夜長多
少愁滿江頭鐵甕城

題梁昭明讀書處

獸窟山荒石案平松風吹斷讀書聲蕭梁日月千年

後獨自高懸太子名

多景樓

來登此度三茹勝飽猶饒煙海潮頭日風村樹裏帆
天聲引清籟秋意着輕衫洲斷江雲起金焦影半銜
砍橋店題主人壁上

山烟昏晝雨風斜岸引江橋入店家閒只主人忙只
我石榴花底飯桃花

李孔凡別二三年薄暮相訊旅中不值

雨暮半爲烟出門皆雨前得聞留語語因記別年年
復以此相失愴焉誰不然明燈銷夜氣初伏冷秋天

過師藩新居

移居委巷中未許隻輪通我到卽相許謂西今在東
桐陰下閒晝蟬吸飽涼風事事歸幽懶知君善此宮
寄懷朱國蔚

結思空半生爲望轉盈盈天若水相代雲將風便行
寒暄芳草歇旦暮熟梅晴亦復壚頭臥因君作楚聲

漫公茂之伯彭公亮訪予客舍因同雨泛青溪
暮酣分棹各有所賦

偶爾豈無意極歡非意求坐呼淮上酒轉溯溪中流
柳雨自生暮蘆禽先聒秋換舟吾醉甚錯謂下高樓
崔公超將赴登萊招飲

炎景下屋角爽然空一庭微談卽時事小具乃候鯖
客半乍相識別臨何可醒秋應待君發聲去海波寧
俞駕部園池之上九華仙墅成初宴諸子賦呈

長公伯彭

已是一江上所管都不經雲行全在地風起若因汀
置客眼光綠露山頭髻青暑空松雨霽曉失柳烟冥
懶石通鷗性閒藤骨鶴翎初移東浙箭亦種太湖萍
徙倚出歌月拍浮當酒星魚龍秋入夜筆墨醉能靈
衆壑收餘浸旁巖啓半扇矇廊兼閣道漁子卽園丁
此見煩多訊看花第幾亭

李孔凡回園雅集同張彥先

得秋字

關此及春夏我來猶未秋循臺得幽路出郭見高樓
業以飲爲事自非天可憂四煙鍾後起松翠帶聲流
退翁宗侯自洪都走梁溪爲其先公孔陽先生
乞銘鄒彥吉學憲會別白門賦此贈送

支病冒江熱路咨雲水窮天家尊孝子隧石重愚公
計日梁溪上逢秋楚夢中知君聽不得泉雨會松風
夏日子丘茂之青疏閣卽事同聖僕昭質

云爲都物外高構乃城中山翠著根起塔光於四通

纔經一晝旦如闢幾鴻濛雷雲風日雨亦復挂烟缸

胡服圖

小引

費二節卿爲卿相家子而天生俠骨將種弗如也
目睹時事髮上指天志欲搗胡一洗國辱乃作胡
服圖以自見屬同志友人題詞壯之予言不多亦
當繞朝鞭贈

誰寫誰家美少年張之結束黃之貌奴卽崑崙女燕
趙復倩宋郎添一笑寶刀半躍魚皮鞘龍騅權奇雅

色耀氣壓天山山欲倒挈鞭將轡烟霜曉顧看今事
何草草力駟膏髀填荒徼關門一閉輿圖小拊髀

天子憂心悄郎君有骨侯能蚤肯守章句牖下老見
志服胡膾羯掃貂貉蒙茸非自好

京口立秋十絕句

江雨易為秋秋應先到舟僑居卽舟寓城裡是江頭
出湖逢競渡約歸采蓮子此際白頭人開門望秋水
病目畏明豁枯坐黑室中不知秋至未心響在梧桐

時事亦易處鎮定釁不開水城今日閉秋從何處來
山妻亦善病寄信訪醫王曾說新秋好晨昏驗藥方

一月金陵去秋還會此間問兒行樂處獨未到焦山
庭中紫微花花開此時節三年別不成只恐今年別
小郎爭夜課每語避炎蒸今夜陰壇畔應添竹屋燈
比舍如藥籠起卧芩朮裏秋思轉生親交相問有喜
昨日送歸人寄言歸有伴不及秋風前相將月之半

苦熱龍潭道中憶張隆父聽雪齋因寄

張郎雪居在何處
簷底芭蕉屋頭樹
空空四壁照寒
冰簌簌有聲能
不住留客分題
許亂拈曾云記
此以
消炎今欲從之
那可得嗚夫疲
馬汗漸漸

南徐蚤秋寄程孺文

我昨尋君塘上家
柳蟬聒翠夕陽
斜頭白偃僂自
結
襪惟我北轅何
不發君亦能來
問酒人酒人一
出便
經旬却從此地
動幽想張翰黃
花秋壁上

壁有故人
張子明詩

故云

舟中秋夕懷馬比部具巖

隔年相念已無端
此日懽逢別易難
片葉又飛江上
樹一星還在客
邊看秋心入夜
因聲動時事多
艱仗
法寬最愛白雲
堪吏隱出門山
脚藕花灘

別南徐寄談季曾先生

別記衝寒歲欲闌
到今曾得幾時閒
六橋烟夢西湖
柳一寺江聲北
固山病暑却于
秋更懶氣霜非
是近
難攀歸心急暮
蕭蕭雨尺牘空
題艤棹間

遇雨憶實甫弟

陣雨偶然作亦非因我舟其間有神物身世與之游
雷出柁邊際水喧天上頭阿髯歸亂後相見說同愁

東汪無際

時在白門

歸到南中未到家牛頭山色後湖花幾尋君說出城
去祠畔有僧留餉瓜

會卽殷殷話懶髯弟兄逃酒是前年四更秉燭猶聽
雨五里衝泥不見船

今事紛紛唇舌間有心人復使空還相逢此地惟搔
首貧酒當壚小綠鬟

行時贈我玉華箴曾記宣和第幾年珍重不妨秋數
筆小窓踈樹落山泉

此夜

此夜客孤征天還不肯晴渡星雙脉脉零雨一聲聲
事可知無謂情多累有生回看百餘里猶是潤州城

石木魚

在洪都雙領下長二丈餘口鑿六十八孔傍有古

彌陀佛石五字

卽木魚不真又以石相代受記南無佛煦沫西江派

嶺下石木魚說有二三丈曾經一棒打六十八孔響

筆小枕上

五日之程十日行雨蠻風憇許多驚秋來枕上無他

夢機杼聲中絡緯鳴

今重五憶

養浩介孺

結髮雁行人已半墓拱木徐行最後者亦復鬢將禿

生能通我心餒可剗伊肉昔羊非一哀今鮑有二叔

雲伯斗一

丁年氣方盛通夕共燈火出山亦何爲蓬累非一所

事去不可說餘力尚須鼓返顧三十秋依依爾與我

明生季昌

狂有所不爲狷有所進取二者能若斯非斯復誰與

夷闕草

四

斯既不能得雖偏亦可喜所以聖者心寄思非得已
孝真舜五

二仲氣節俠持養都不淺可披五月裘嘗從一春酒
微嗟有餘意瑕疵亦高選落落眼中人崢嶸後來彦

觀公輪公

所居山水半中有半區竹雖覺東西分同餐雨煙綠
我適襍穢游困憊舟與陸因之一作想五內轉冰轂

白門逢唐仲言賦贈

海客天游氣蕭颯胸中另具一日月神光內照五蘊
徹自有之明用不竭况於視聽得兼攝萬卷通心聲
應捷亦不停披筆在舌唾餘皆是名山業我熟其書
始相接白門握手飛秋葉

見虎丘

遙遙見虎丘催換渡湖舟致語千人坐賒予半簞秋
送曹元異虎山橋看月

處處月明堪醉秋如何特放太湖舟太湖之北山面

面兩翠夾流虹一線月來山靜秋拭煙酒光冷浸波
中天此時憶我我未醒亦自拍浮三萬頃

八月十五放舟湖中月飲通夕

地光天水平月直露舟橫秋秉一年夜氣含千種情
唯隣得空澗無指不分明抱甕枕杯杓出雲雞犬聲

艷雪集原序

吳江周永年撰

文賦有之曰詩緣情而綺靡夫情則上窮風雅下沿
詞曲莫不緣以爲準若綺靡兩字用以爲詩法則其
病必至巧累於理借以爲詩餘法則其妙更在情生
於文故詩餘之爲物本緣情之旨而極綺靡之變者
也從來詩與詩餘亦時離時合供奉之清平助教之
金荃皆詞傳於詩者也玉局之以快爽致勝屯田之
以柔婉取妍皆詞奪其詩者也大都唐之詞則詩之

齊而宋之詞則曲之祖唐詩主情興故詞與詩合宋
詩主事理故詞與詩離士不深於比興之義音律之
用而但長短其詩句以命之曰詞徒見其不知變耳
吾友葛震甫挾洞庭震澤之靈秀以游於人間其所
爲詩業已登峰造極可謂境兼奧曠致合騷雅而當
其推襟送抱候月臨花頌酒賡色則往往以詩外之
別傳爲詞中之妙趣試取其艷雪集一再歌之綺不
傷骨靡不傷氣而追風入麗沿波得奇瀟灑婉戀之

情無不備寫蓋舉樂府方俗之詞玉壺工艷之語香
奩娥媚之調一一寄之於詞而得其詞者知其深於
詩愛其詞者并忘其工於詩也要而論之真至之情
必本於性奇逸之情必乘於才震甫玉性不雕雲才
自舉其自漢魏六朝以還周秦諸家而上隨所位置
各占坐席此其根蒂所在固有異乎今之詞人者矣

古今坐視其非漸成其因亦異乎今以詩入卷
自學其意竟變六博為戲以海濱家所上讀初也
必本於詩清身之辭必與於才氣而正其不無
詩變其質隨詩變其土氣詩也
本集散之論十一卷之辨其詩中其詩其詩其詩
詩無不辨其詩其詩其詩其詩其詩其詩其詩其詩

豔雪篇

震澤葛一龍震甫著

鑑湖蔣 挺埴之校

風入松 燕

這番相見又經年故壘重簷舞衫一剪紅襟小幾多
綽約蹁躑楊柳曉風殘月杏花春雨江南 忽從平
地忽從天忽罵垂簾主人卯酒醒還倦把香泥莫污
殘編過眼豪華何在舊時王謝堂前

憶王孫

草

東風吹後滿天涯
繫馬高樓春日斜
歸夢離披隔柳
花不如他一路青青直到家

桃源憶故人

送春

落紅點點春應少
况是一些無了那管
怕花人老枕
上聞啼鳥
入春未足眠春曉
爭說之行須早
門外
綠波芳草天遠孤帆小

一畫真甫著

過澗歇

贈澗戶主人

山劈斷石齒雙夾
上通銀河下接奔流
三峽放天開
不雨雷轟虹挂雪
點松風括窕轉處
曲屋斜闌半張
榻一瓢在手冷帶花香
綠浮春淺茗牙纔
搯鵝黃酒新壓
要我頻來窄路羊腸
小橋龜脊肯憚雨暮
霜晨滑

搗練子

春別

將欲去且逡巡
耐雨禁風一日春
橋上花飛橋下水
斷腸人是過橋人

點絳脣

閒居

家住湖心山障幾重青得好無人知道吾愛吾廬小
腔子雖空不着些煩惱聽鶯早枕花藉草一春閒
過了

天仙子

雨中有感

楊柳欲眠鶯喚起晴絲亂拂花驄尾酒狂詩興冶遊
情誰付與天付與紙上功名驕不取轉眼韶華殘夢
裏歌斷鳳梁杯斷蟻怨紅愁綠已無端今日雨明日

雨東隣西舍啼兒女

鳳凰閣

春思

去年春早似今年春早紫駟別處還芳草無奈輕烟
細雨黃昏清曉釀不盡鶯愁燕惱太湖空濶鯉素
浮沉多少可憐人面如花好相見也是何時見也應
老寒食與清明又到

疎簾淡月

芭蕉

芝田新玉誰切作輕紈擺青搖綠潤逼流蘇冷浸簾

豐年集
三
紋波殺多情，碎裂湘裙幅。欲題詩，亂染心曲。東君去也，匆匆留下油幢幡燼。夜短愁長，眠不足，奈雨瀟瀟。兼風簌簌，何處天涯已斷。夢魂難續，從前世事中，間鹿沒來由。幾多翻覆，好障牕紗，莫教明月照人婁。獨雨黃昏，翻翻翻，不盡愁滋味。

去平柳梢青

葑山亭作

湖亭高敞，見那苕雪水痕平。長雲鳥風帆來來去去，三三兩兩。夕陽時候，堪憐且獨自，盤桓半晌。昔日

同游飄零，何處倚闌空想。

去香子

送別

奈此花晨相送，情親更兼風雨。到北隣，滴殘紅淚，飛盡香塵，剩幾多愁。幾多酒，幾多春。淹留客，越憔悴。游秦久已，厭車蹄馬輪，不堪回首。渡口江濱，正草萋萋，烟漠漠，水鱗鱗。

去憶秦娥

有懷

纔識面，旁觀笑我心相眷。心相眷，與人同別也，如不

見香散柳花江上店夢中記得題
紈扇題紈扇飛來春曉情雲一片

江神子

寄洲上

蘇堤楊柳綰絲鞭艷陽天共留連
纔逢蹴鞠又過打鞦韆落盡辛夷
啼鳥怨枉拋却買花錢春隨人渡
柳湖邊恨綿綿水如烟一場離夢
回首便經年記得去時生怕見風
雨後五更船

清平樂

愁

如縈如織悠悠還脉脉風雨一天
江夜黑此際有誰禁得也知方寸
無多個中能着幾何放出千絲萬
結潛歸秋鬢春娥

風流子

午日入蜀友人生日有懷

浪蹴飛花起龍舟競雲斷楚天青
樹杪樓臺水邊亭館榴裙葵扇點
綴盈盈會記取端陽佳節也吾友
咬臍生屈平忠憤曹娥孝行田文
俠氣劉阮風情一齊付杯酒泛昌
陽痛飲不讀騷經歲歲縷纏長命
詩

祝岡陵奈秦淮楊柳要人攀折那管人間蜀道難行
此際此時此恨天氣陰晴

更漏子

梅雨

一天星一天雨欲定陰晴難語早已熱復生寒爐薰
被未乾青葉底金丸小挾彈王孫去了簷溜急淚
痕多看看月半過

武陵春

獨夜

深鎖樓臺何處裏烟雨冥冥花動風枝大吠聲疑

是有人行今夕不知何夕也添却許多更一倍秋
天不肯明愁從酒畔生

虞美人

海榴

君莫信綠肥紅瘦是綠舒紅絳灼雲然雨向陽臺說
道張騫槎上帶將來欲折一枝愁日暮血色羅裙
妒錦葵學得蜀宮粧強相依倚熱鬧過端陽

青玉案

湖上

茫茫一氣恒相接天與地難分別搖曳小舟輕似葉

暮暮朝朝人離人合斷送無休歇
遠浸芙蓉青疊
疊昔會鬪館娃眉曉霸國烟銷空見說依稀殘照無
恙明月鷗浪還飛雪
風一村雨一村風雨蕭蕭獨閉門梨花也斷魂
怕黃昏又黃昏濕透春衫冷不禁
浪共酒痕

長相思

春怨

春從天上來

夏日訪舊作

盾日當空何處有清涼
一國堪逃舉手如炙流汗成

膠輕放棹小漁舸問情親湖上去不遠
鶴渚虹橋啓巖扉對松風謾謾坐失炎
敲當時竹林兄弟說我似劉伶爾似山
濤醉裏乾坤忙中日月回首半已蓬蒿
幸相逢相勞人強健天惠窮交且共嘯
歌今日休管明朝

鵲橋仙

七夕立秋

月眉新畫雲衣初剪無暑香肌似洗
七襄機上帶秋來借一葉梧桐報喜
星滅炎光河增金氣烏鵲橋

豐雪齋
成還未人間只說隔年期天上是隔宵而已

念奴嬌 秋棠

柔情冶態慣棲幽宅蔭甘同遺逸如此佳人應絕世
不染一些春色珮委珊瑚綠衣紅裏翻作秋風翼霜
前雨後暗垂鵲淚嬌泣任那花史董狐再編新譜
直乘風流筆懶與羣妍爭最殿早附桂香仙籍說斷
人腸人腸易斷只爲多情識睡酣增媚倩誰喚起無
力

瀟湘逢故人慢

友人過訪作

黃梅時候新晴剛半日風雨仍兼棘門掩山居僻泉
石相觸珠濺風簾簷花蹴燕枕雲生榻上苔錢茶香
後且摹殘帖手探小樣花牋方將倦驚剝啄水雲
鄉有人來自東南轉首別三年看無礙情懷瀟灑修
髯藿餐麥飯忒粗糲共飽懽然隨緣好佛言食蜜中
邊一樣皆甜

帝臺春

留別

秋氣漸慄秋聲砭人骨憔悴綺年添却無端風騷情
逸怕送扁舟還浦去不曾問紫萼芽苗又誰知爾尚
遲留吾先行役 歌鐘急急吟袖濕雲樹鬱暮帆出
正足練澄江月來時也領略一天蕭瑟故苑池臺撒
下了露冷芙蓉暗垂泣莫笑我踈狂把別離輕忽

傳言玉女

壽陳先生

小小山莊占却柳湖一曲矮籬疎樹兩三間茅屋亭
可代笠榜揭老人山谷高齋相望野雲投宿 壁上

龕中有西來舊面目冷香風外動梅花疊玉幽禽一
聲正值酒香茶熟年年此會看眼中筋綠

矯褐吟原序

山陰王思任撰

作詩如寫照不當求其形而求其神看詩人如看所
寫之照第望其形是而是矣一日求則已大謬而必
日求其神則更謬之謬分金一線幾千萬里矣天下
豈有離形而又別有一神者高手寫照只數筆水墨
亦可不肖者千描萬染何益人面事然有三說人有
遠趣不近看有空趣不實看有生動趣不傳喜神疆
木看解此者能寫照而卽可以知葛震甫之詩卽可

矯褐吟原序

以知王季重所以知葛震甫之詩若必曰若而首為唐為盛晚若而句為漢為魏是必數鬚折髮量體料肉幾何始為葛震甫也而震甫出此乎否也

曰求

寫之

非肯收

歌斷今

矯褐吟

震澤葛一龍震甫著

金陵劉敬脩惺心校

出都

綠洗輕寒自掩門春殘只在雨黃昏年年芳草年年客及有歸期未敢言
未盡歌邊酒數行便騎羸馬出春明何人不怨東風裏楊柳飛花雪滿城

登車復下車顧語相錯愕諒苦今作離悔復留于昨
烟光生滅際日氣曉來薄路入野香深風吹棗花落
微月隔雲照行將東曙拂細細雨光動霏霏輿夢入
青火不出地荒雞唱纔一殘邑兩三家陰風哨枯骨

望岱

一自元氣分歸然福三五公且食報功袞取爲疆土
遂令天下望至今域東魯風聲嘯海水日氣燠赤鹵
積翠去着天來青不數武欽哉玉笥封仰止白雲古

睢陽雨

亂山忽不見萬馬橫空來金光爍其中冥晦時一開
四野闊無際觸處向人語如何西北塵化作東南雨
未殘梅雨蓼花風風雨相催一路中三月歸心今五
月又看秋色渡江紅

月又還山拜母

久客今來歸喜極涕交法入門拜慈母白髮被于面
是兒身上衣結結臨行線是兒足下履業業春冰踐
頃篋旣寡和竿瑟俱不善謬以魯縞矢亦備東南箭
升斗乃君食七箸幸親健毛義果何人茅容有餘羨

立秋前一日轟飲元變親家荷花池上達旦賦

此

花間松閣雨涼吹海底珊瑚鐵網開况是水天空處

坐正當風日晚時來燈燈照出千頭供面面粧成七
寶臺風雅酒人蘭棹倚踏歌游伴藕衣裁如心默自
拳芳許照影堪誰比貌猜露冷墜紅銷艷妒月明邀
素躍珠胎橋迴鵲影傳秋急村遠雞聲覺曙催帶醉
帶醒何處別只看殘魄掛榆槐
喜程孟陽劉長孫至予將出山
暝烟湖上渡山起得漁村遠客初傳姓離帆已在門
園荒埜菜苦天旱井泉渾炙盡燈前酒明朝不可言

國荒出山拜母早
我泉戰炎盡
獄前西門
暫歸如旅宿
行止亦貿貿
厥身吾母身
於養未能就
斂涕飾好容
再爲膝下壽
中婦前致詞
吾門眷天厚
君無念晨夕
婦能力左右
龜勉登脩途
叅前履行後
晷影戀車隙
山光浣衣垢
一鮮未敢請
三橋審懷袖

吳江別蔡以寧張漢卿

有家爲別累
無奈是今朝
客路送不盡
君舟歸已遙
秋分紅葉渡
雨照白龍橋
淚落相思寄
錢塘第一潮

雨渡錢塘同公武

山氣鬱生雷
斜風舵後催
岸青秋雨足
天白夜潮回
飄泊同吾友
艱辛一酒杯
錢塘君若問
橋社里中來
舟夜有懷白石山
寒山練川諸舊

積雨溪中黑
秋天試一晴
月來猶半照
寒起近三更
水勢憑魚立
風聲導虎行
夢輕江海濶
來往見潮生

登釣臺作 八月十五

子陵負高譚
動則星宿干
長揖謝故人
一簑江上安

高卷百尺絲下垂不及灘草木有傲色幽光賁巖巒
秋滿四無翳天空明月寒

行邁

烟雲行李去匆匆山水相驅日力窮過此又嫌先
月千林紅葉未曾紅山寒山靜臥前窗

江山道中

路出峽中天山拖竹下田不聞人語處只在水聲邊
野餉珍魚婢風巢撼鳥禪勞勞相顧者負戴半雲烟

夜過仙霞嶺

衆山趨百粵一嶺控中原烟空掛脩磴屈曲如蛇奔
眞宰相扶掖閭風時見存落日下高頂斜光流遠村
倏忽嵐氣合面對生幽昏雲吠咤鬼火烟啼招客魂
四字無一照歷歷星可捫五游非向子九折乃王尊

汴梁村

南渡相從此暫安數家村落水雲寒如何不復深深
去怕過前頭黯淡灘

知禮吟
為戴元長題吳文中畫山水

煙水煙山煙樹昏茅齋深住米家村先生懶惰將迎
少不管陰晴只閉門

建溪舟中寄王元直

目奇不敢瞬一瞬百奇過鯨鯢岸上立牛羊水中臥
決瀄拂神風噴薄天地怒行舟鬪石角所去無一步
空翠翳中日崩崖撐獨戶狙公劈皺栗螺女搴香杜
霹靂焦峻壁堅阻絕四顧忽于一轉折片葉生雲霧

如是五日往未及半程路鄭重致書語彷彿後先悞
七月荔香盡八月橘猶醋

八月十五日同元直伯衍登烏石山尋高賢祠
拜徐唯和主歷平遠臺夜宿元直家明日出

閩

十里烟嵐截半城苔鏤斑剝古雲傾殘秋氣色悲朝
暮窮路交情感死生橘叟荔仙臺榭出雨師風伯海
天晴燈前落盡明朝淚乙夜聽猿到五更

天淵水次聞猿

急歸難與逆流爭
一日郵籤五日行
腸結泪枯無夢
斷冷猿何必許多聲

仲冬十二日

去年今夕燕山寺
今年今夕桐溪船
齟齬作事每十
九來往計程應八千
攬照不孤臺上月
躬耕久負丘
中田捫心自語了
無謂白鴈一聲霜落天

夢中題畫

誰為此山水
獨往拂烟苔
僊路從中出
秋聲非外來
凝神三日看
惟見一花開
天末風帆下
斜光在綠槐

雪後乘月登吟壇
明日以寧西渡

二氣膠不流
孤光照穿地
耦立一無親
高臨悉如棄
了了窮物先
疎疎動梅意
明發渡湖人
椎冰送將去

秉燭

同明生舜五

酒醒只堪坐
與君云所思
半秋過月望
殘響落風枝
調苦今難變
情癡老未知
向為曾別夜
亦是雁來時

雲蕊英英繡古斑曾經衝擊太湖間不嫌更費淋漓
手消得山居一日閒

舜五夜別

離堂今夜酒不飲值君齋相對惟空坐獨歸非本懷
水蓴香白裕山蘚泥青鞋江狹天長路風帆一字排

江上

秋窮江客怨徒倚柳枝黃岸北啼霜雁帆西淡夕陽

音聲多斷續衣帶轉微茫渡處年年別潮痕落夜霜
欲雪

雨雪未然天四低水木黯慘風淒淒野老出門卜陰
霽愁人指路無東西躍翻白瓦凍雀死叫裂黃雲哀
鴈迷却憶長安夜不醒滿城明月放霜蹄

刪竹

培護積寒暄青翠可方幅圓魄不下照好鳥盡來宿
雪態壓書棟風聲空釀屋時當四九臘凍削五千牘

惟清苦屑細于盛戒繁縟割情遵古法鼓勇受明勗

登渡頭閣

予少時讀書處

地方抗長烟山聲落大川憑軒吳子國流涕賈生年

鳥失歸雲寺帆孤載雪天一僧持晚餉新獲自開田

雪中看鴈懷施中行

朔風南下雪彌天朔鳥南來客自憐低送影聲消挾

續亂無行次寫荒烟兩家兄弟年殘裏萬里王臣目

斷邊草草一絨那得寄海西烽火正同船

歲朝對孤菊

廬中作

植爾元非晚移之亦易安帶秋遙度歲得氣獨持寒

伴苦惟僵雪交疎豈握蘭東風曾未識莫作待吹看

早春渡湖訪以寧拜太公百歲翁

雪後放舟烟火新石公山外水之濱漁樵出入雙扉

逕杖履婆娑百歲人尚有寒花開未足儘多嘉樹接

為隣穿雲度酒携清供狼籍君家一月春

蘆葦聚漁舟

叢叢自蕭颯宛在湖之央
漁族無定居偶此以爲鄉
炊烟隨風飄散影青一方
躑躅兒女親偃仰鬚眉光
地遠水平樹天空山立防
極言制網罟樂業從義皇
雨次寄林宗獻明

一雨生夏寒積氣四壁垂
風起松柏窗響折攀號枝
二子天壤間願見以時時
緘素寄此心此心無不之
山中懷長公
我與長公別如水落天上
百苦以讐命于人不堪想

一羽東南飛空山發秋響
知君誕佳兒風氣日開朗
秦篆宗德符言佩金犀襁

白門別實甫

只此以爲別一愁分兩身
途窮多問鬼恩重少依人
細雨江天暮孤花塾店春
已叢芳草怨莫更白鷗嗔
問滿字病

我病聞君病多妨筆墨禪
一旬無月夜獨坐兩更天
已信情當遣難教念不專
床頭風雨在勿藥且須眠

知補
戲題松菊園爲宣本敬

漳海人歸秋滿園儘堪清晝掩籬門樹無樗散花無
襍山不灰堆水不渾消得好閒常說鬼養成窮癖自
居尊庭心丈許一竿日日費晒書兼晒禪

荅張元震

同居松風間翠響荅孤嘯就此浮一山關竇開圓照
忽然爲我出心神肅言貌空返路不熟斜光雨邊導

深柳讀書堂爲禹卿宗侯賦

種柳不曾髡垂垂直到根碧空千箇浪黃鳥一家村
有月際春曉無烟生晝昏香吹飛絮起風雪滿梁園

白門再會虞興宗

窮路驚相問歸雲帶急流情懷一燕市居止半揚州
榆葉陰邊晝桃花醉裏秋不知從別後幾上看潮樓

石城晚步

地削雲根城壓山山情得得杖藜間憑陵半撼龍江
水形勝全歸虎踞關落日倒懸天脚紫陰風寒掃石

頭斑井留名在猶香艷寺捨身堪破老怪烟路細分
林影外踏秋人共鳥飛還

白鷺洲觀潮

放舟復遵渚混流不可適聲于萑葦生忽走半天白
一日盡江海二氣含動息元暉非古人縹緲若相覲

六觀師示寂

出家以出世斷滅生死義一病謝百藥立言罔思議
大化宵秋音驚颺度湖至學人乃何心懽笑爲隕涕

病起看梅吳家池因感舊游零落

池冰綠泮撒魚鱗一鳥啼烟不露身斜景入林歌酒
亂衆香埋逕履綦陳冥心觸物皆成感微瘳生閒獨
悞春徙倚自吟寒尚怯瑠璃屏照雪中人

送俞文猛赴淮陰鄧帥軍中

一鐵如秋水寒光受血侵以爲離別贈可託平生心
漂母知還在王孫報未深海風吹大樹相望是淮陰

洗研

片石有雲氣神髓盡皆墨寧澀千年繡不耐一日積
澄懷役無涯蕩滌臨不測螿殼破玄卵游沫掩烏賊
苟非貞堅心失手蛟龍得所以硜硜者爲能守其黑

掃梧葉

曾輸一葉天地肅忽散蒲園能不愁帶黃帶綠送懸
景非疾非徐穿過樓聚來惟許楚人踏自掃亦爲童
子謀當夜暗蟲爭覆露半簾疎雨獨垂鈎好留數翦
輕綃質粘作霜燈照暮秋

江眺

同明生仲衍仲衍明日入楚

江日不欲落江楓能自寒亂帆分影照新鴈一聲乾
送遠忽復邈忘情于此難湘烟滅沒際山向九疑看

水邊看落雁

水冷生烟白天長落雁荒念羣如顧語追影得相將
沙際深葭菼江南少雪霜乍低還復起凌亂不成行

芟菊蕊

種菊一歲心何曾間朝暮及秋懼不蕊及蕊復多故

因繁而致簡用損以爲護萌念近于忍觸手且防悞
細細向新旭纍纍帶清露自笑籬落人蕭閒有餘課
觀瀑
怒劈青山走白虹散爲神雨復神風半天忽有陰晴
異絕頂豈無江海通冷氣襲林秋葉脫濕光吹面凍
花融夕陽不倦枯藤倚人在石橋空翠中

彭師副室韋氏歿節詩

仙人有家家有婦仙人不死死非故歟弄日月既已

頑翻覺此身堪厭惡翩然揮手謝高足白雲飛天風
出谷寄書忽自遠徼來筆墨淋漓濕烟綠韋娘向是
閨中秀見定死生爲天壽碧落黃泉總不論相依性
命無先後多媵多賢商大夫奇文奇節絕然無綱常
烈烈人間事却向神仙借力共

訪姚珮卿

白雲起牀下高枕杏花落入門莫敢語立待自然覺
蕭寂意何遠一生無不樂舟中有壺醕借往爲余諾

雪中試新茗

凍木初芽剔空江勺水傾竹烟風嫋弱花乳雪光盈
春酒新香碗山寒折足鐺試嘗驚節候半月乃清明
風夜宿塘橋

茫然山北水之東忽露斜光下飲虹燒燭坐堪銷夜
酒望家如隔妒津風不禁是草傷心碧何處無花薄
命紅憫默一春多半過每當風雨在舟中

寄董選周

相信應千古未然交臂初病根同一慧目外已無書
柳庄茅草屋松飯桃花魚谿艇先飛鳥今堪縱所如

葉研

一片溪中紫分爲木末丹鶴能畱眼溼蟬覺抱秋乾
洗滌慎所處洞庭波正寒

夜牡丹

淡紅宜月紫宜燈靜夜相看兩不勝名姓有年能再
少艷香于晝若爲增鵝黃杯淺春千勸蝶寢樓高夢

幾層莫向鍾情驕作態石欄長袖冷垂冰

觀舜五所藏王右丞輞川圖

玉皇香吏古金仙日日清齋日日眠物外不妨閒勾
當象先多得好林泉棲尋何處非蓬戶快足平生是
輞川漫售肯珠三百乘善藏難寶一千年如新粉本
無完地不落精神化冷烟信有因緣當適值末由呵
護豈能傳看須屏息平心戒展必焚香拜手虔四壁
無風雲木動衆山皆響瀑花濺前身我輩呼堪出裴

廸丘爲孟浩然

三月三十日

夕風朝雨送行塵行未成行過一春綠酒散爲楊柳
怨紅顏銷得海棠嗔匆匆馬首還車隙歷歷山前更
水濱啼鳥數聲三疊唱明年今日對何人

白門畱別王將軍

半閣帶清溪溪光洗眉髮揖客坐不喧鶯聲柳深滑
蓄酒自充棟離憂豈能豁中夏猛作寒江船候潮發

黃河曲

天上黃河水江南白板舟渡時頻宰割虔作鬼神謀

二門雨賦王諫軍

出口受明戒面對不得語地底發雷霆日中驟風雨

三

不敢捲簾看水光紅一半明月已在天斜陽未離岸

四

昨日發星宿今日開滄田星宿幾萬里滄田無百年

五

沙岸曲如城城頭挂遙纜無風忽有風神樓復神澗

六

水逆上如山數篙支一灣異姓篤人倫安余父子間

七

魚蝦賤如土水土同一色土餐及土飲所感厚坤德

八

三日三百里一里百千愁水濁人難照照人新白頭

舟中寄蔣十

涼月照人遠客衣如有霜
早知行路澁何苦別時忙
作念百千轉空題三兩行
竹窗風自好切莫負羲皇

登臨清塔

鼓勇受佛力緣級可登天
平平沙磧中崛起百丈蓮
氣屏心益下置身于極巔
神光發舍利慧照通幽泉
千里無蔽虧高鴻沉井烟
泰岱揖尼父東溟懷魯連
登清微閣望海

一閣當津口空空絕四隣
白雲天半地黃霧海中塵
東燹收殘壘南車送遠人
褰裳未可卽山處乃鰲身

舟月

幾度看明月勞勞行路中
此時清切對真與性情通
光滿溢爲水暈先微有風
家書非一紙言到可如弓

翁叅戎薙髮入山

亂雲深樹豈無家碧海青天自有涯
結客少年空易水散金如雨付恒沙
秋尋路入殘峰雪香坐風吹寂

知補
畫花許國一身仍許佛須防獸錦奪袈裟

入西山尋翁伯子

畿甸盡青山重重虎豹關
冒寒殘雪後尋路夕陽間
野色沉沙曠風聲鬪石巉
異人能出世燈照一龕閒

送田長公

風霆決霾翳霽旭未當午
埜荒疾鳥亂木落投猿裸
歌嫌渭城短別厭河梁苦
余喙置弗長先心達君所
舉步皆天恩無往無不可

送鄒舜五先還洞庭分得章字

長至夜

不必論先後歸心共一陽
寒宵難卜醉離日易爲長
北道誰恒主南音非一方
出門時種石斑駁已成章

樹介

非霧非霜雪滿城人未知
藉茅能片片得樹轉離離
且暮曾無間稜祥敢致辭
客行將萬里催髮易成絲

梅花社待月得先字

春洩未殘年客來明月先
喧然爭坐次無不愛西邊

知禮吟
光浦亦易上照初偏覺鮮南歌薊北酒雪夜梅花天
十二月廿六菴寓夜酌賦得共此燈燭光

齋寂夜如歲歲殘冰雪天四三千里外一百八聲邊
生事煩窮鬼行藏問懶禪無端不可盡同照且懽然
穀日梅社再集共用飛字

忽上月已久聚來星不稀亦知妨後到幸未有先歸
王已開春正人難謂昨非政寬容臥聽歌雪當花飛
咏梅花燈

翦翦出寒林明明不待尋報春應火速寫照若烟沈
何處江南夜之人別後心酒醒殘月上只欠語霜禽
探春張園

芳園新著姓猶自說金張春入應還淺花開亦漸忙
性情同一適風日况相當樹有殘年雪不寒生暮光
題倪幼霞畫

却從何處訪清風一片雲山遠近中小路不平人不
見夕陽疎樹草亭空

題郭元父竹石圖

鐵篠橫斜瘦不枯
臥雲閒懶要人扶
若言東郭無穿履
誰信西山有餓夫

將發滇裝米仲詔先生餞飲古雲山房次韻留
別是日預有他約先去

一諾似難分兩身
半筵已作通宵賓
山水之間發高響
古今以上無同人
月照雲孤夜郎夜
馬嘶草碧春明春
百千萬里隔尊俎
莫怪臨風相顧頻

清苑縣寄張林宗先生

君馬春明出我馬春明入春明
楊柳枝枝挂心臆
今日過清苑東風扇花煖
高登寶穡樓中崧望不遠
病瘦帝王師佯狂誰得知
器重慎用舍造物還獨私
酒潑眠雲起和雲緘
此紙有夢到南荒一夕九千里
既別清苑潘獻明際明兄弟送飲境外予醉矣
復舍陸登舟沿洄數里

郊酒淋漓日已斜
東車且柁溯西涯
春眠楊柳將飛

絮寒食棠梨盡落花岸隱轆轤聲隔水橋分衣帶影
流沙他時憶別燕丹地只記同浮范蠡家

劉玄兩東園得登字

葦園東郭裏幽勝逐年增可攬松上月可供山中僧
笋迸履防觸酒狂牀許登留春三月盡多買結籬繩

夜過滹沱

逐逐自晨興中宵猶未寧荒茫數十里無有一孤燈
曠宇沈星海崩橋掛土塍客衣春未換寒怯漢時冰

河間別茂先是日長公入秦

軒軒紫髯客落落青袍人十里五里酒桃花梨花春
意滿語未達形留神不親夕陽生馬首更有向西秦

過東阿

民厚復官廉土風予所諳謳歌非有爲豐稔不須占
聽訟空庭異輸租隔歲兼地將連汶上山亦似江南
新嘉驛見會稽女子題壁詩和以弔之

心血含啼化碧塵生生不壞有情身柳花風送梨花

雨省識曾逢夢裏春
只堪雲女月娥游
悞落人間總是愁
想見題詩空壁
夜剔殘燈累指尖頭
和愁賡怨我爲誰
天若有聞天亦悲
荒落郵亭殘夜
月海棠絲斷影垂垂

醉翁亭

重濬醲泉白半枯
梅葉青就荒江北
地不替山中亭
名載日月古醉通
花鳥靈倦游春暮
矣得意好居停

枕上聞雨聲

初夜逢蠶月南人盡憶家
有聲來枕上不遠自簷牙
社禱郊相接塵行路半遮
明將候雞犬綠可問桑麻
山下江浦雨中懷許元
燮親家
麥秀江臯秋滿城
黃茅屋底濕雲生
閉門十日無聊
坐兩字家書寫未成

落照青山漲水湖
小舟時復向菰蘆
吳姝未嫁王昌
婿羨殺樵青賜釣徒

題畫寄滿字

雨絲絲織養蠶天手劈吳綾當蜀牋數筆不成倪處
士與愁同上過江船

桃花亭子爲紀伯紫賦
山下花開山上看恨無流水掛林端
情入送語年年
在明月孤亭夜夜寒

吳聖初池上閣卽事

水木翳深秀荷香來上頭相尋不出郭相對若同舟

衣灑秦關雪眉掀楚嶽秋無端六月別重理昔年愁
元燮親家保和堂夜觀女劇賦

夜堂十月春烟膩明燈星布千花綴主人肅客客唯
我五色無妍八音廢艷陽飛動羅幃開娉婷忽下襄
王臺鳶肩公子綠雲髻燕額將軍紅杏腮轉眉轉盼
皆光綵一顰一笑千金買改粧改度鏡中疑風氣風
情林下鬢問名一一畏人知玉雪生香明月姿鞭墮
馬前楊柳翠袖翻枝上海棠垂海棠楊柳俱無力放

知微
出新鶯啼不惜風吹弱縷嬌欲斷雲引癡魂銷未得
水流花送有情春已是橫塘邂逅人洗去殘脂羞面
面坐來情語謔頻頻飲予不醉醉還飲歸去豈能眠
得穩平原十日布衣交邯鄲半夜盧生枕

鷓鴣集原序

西魯楊繩武撰

竊聞詩之能窮人也太白儻矣走夜郎子美聖矣旅
蜀川是豈兩先生剗萬古之靈造化妬之愁苦倒之
使以憤惋之氣吐悲壯之詞致後之人益疑詩之果
能窮人也楊子曰是不然造化有深情焉中原之地
光祚久闢詞人韵士雲興赧舉若岱宗若洞庭及岳
陽黃鶴諸名勝題咏累百千萬言山水精華發洩殆
盡惟幽遠之區落落天外最甚者莫如半壁西南非

極大手筆恐不能爲山水開生面也此造化險阻詩人意也姑蘇震甫葛先生監陞壇赤幟三十有年吳楚燕越之集已與今古名家並驅中原猶謂不窮天際日未盡大觀爰以蕭然一命作黔滇萬里遊耳目所記感觸所形一里一程吐奇咄咄題其集曰鷓鴣噫是集也豈徒紀湯遊哉有山月歌而峩眉生色有草堂諸什而濯錦留春有先生行稿而後碧鷄金馬太華點蒼滇池洱水諸靈秀方得撥破混沌也豈曰詩之能窮人也獨惜先生以大雅之音不作梧桐鳴鳳而響鷓鴣知己者不無餘憾然厥籟清厥聲遠叢林幽草間翔集自如則鷓鴣儘饒詩趣寧直寫恨長途也哉有探春者問春何在應之曰春在杜鵑聲裏有覓先生之詩者問詩何在應之曰詩在鷓鴣聲裏鷓鴣多韻當謂不佞武可與言詩

簾窗日南花好冬春際繞樹紅雲待碧幢

蕪陰七夕與介孺兄飲別

江客爲秋別更當星夜期天孫不賣錦何處剪相思

望廬山

允矣廬山高山半懸倒景不遠舟中望恨莫見其頂
頂上生白雲平田數千頃瀑水飛欲出孤帆礙秋冷

舟中蟋蟀

飄泊幾千里淒清猶故吾暗驚牀下早難道水中無

處晦因三老催寒向二姑轉憐相別夜露語覆青梧

泊琵琶亭

亭子挂城角宛然流寓情秋風上絃急涼露濯衣清

異代孤舟夜空江九派聲勞歌自相慰不是少年行

潯陽江對月

楚月見人愁無端今夜秋湖光迴照裏殘壁斷磯頭

西塞山贈周鍊師

蓮花撐半壁竹箭下空江住可辭三詔游須引一幢

樓臺不見地巖洞自開窗風動魯公筆林香吹酒缸
舟過黃州陳使君邀登赤壁亭

燼餘殘壁戴城闌眼底風檣役鬼神百感易爲生獨
夜九愁應可寄高旻倒懸鶻樹秋相擊近長鷗沙水
不親莫是臨臯亭子客再來江左少年人

夏口

石尤當夏口多謝主人情紅偃廟花濕碧疎川樹晴
野炊羣晝牧僮語變秋鶯落魄從于役江山邁此生

登黃雀樓

江樓推第一飛構落虛空生聚東西郡帆檣來去風
月凭仙路迨山鑿楚疆通欲酌禰生酒荒洲沒水中

江行口號三首

不斷江流不斷洲葦黃蘆白杜蘭幽月寒螺女搴香
夜風動蛇神搗藥秋

湘江蹙黛怨斜暉檣杪神鴉飽肉飛我友何郎埋玉
樹烟波香火屬緇衣

夜漁爭月美江烟舉網多收縮項鱖只換白鹽并赤
米從來不會數青錢

臨洞庭

地維傾不泄安注古今流帆度羣追雁魚吹氣若牛
半蒼猶帶曉一碧盡爲秋芳杜思公子桃花署邑侯
登臨殊未極賒却岳陽樓

武陵

一樹秋紅繫小刀欲尋花路轉勞勞溪邊何處無流

水洞裏于今不種桃

桃源道中懷宋明府

沙磧斷江濱人烟苦竹分有隣非宋遠深路入秦雲
問訊誰漁父神仙卽令君茜紅湘楚碧洗出女兒裙

桃源洞

巉巖壁上路滴瀝松根泉躡屩不易及問津何處邊
經營一世日宣泄太康年洞口錮靈石能爲風雨天

雨發鄭家驛

行役連朝雨晴如望酒泉石梯歆楮壁茅屋放青烟
馬度谿花落鷄飛樹榖懸居人無一情畊植到山巔
已到復如登寒栖不異僧黃茅嶠虎藉黑樹土神憑
月送巒家酒雲昏葦壁燈晨炊先夜給杵白只三升

次辰沅

地少白雲多輕嵐細雨和百迴爭厲揭數武卽平坡
斷續人言鳥艱難鐵脚驟晴光有時動獨照一山阿

泉巖

嶢青覆夏屋餘滙半成陂寂晝行雷部晴天宿雨師
花寒鷓鴣廟藤挂猢猻枝一氣溟濛裏羣靈有所爲

白霧洞

靈氣不可遏地肺開天竅日月下雙匿林巒匝數抱
不孤重隣比第進分堂與仙人無定居羽蛻墟銀竈
今惟白霧生冥冥養全豹

八月二十三日沅陵道中

馬踏殘秋鳥路微憶孃今日罷縫衣孤臣涕淚孤兒
血風雨千山瀑布飛

西山無恙古西室幾時開劫以秦灰避文先義畫來
神仙行赤蠶金玉嵌蒼苔簡較空陳迹英華萃楚材

霽

路難軌不歇泥滑豈堪聽忽然雲處處散作風泠泠
獠人着洞錦毛女膏嵐青顧語同行者無令空酒瓶

宿羅舊

未必衝煩地新刊節省碑此來成旅宿不欲使人知
家累多雙口身資乏五皮明將渡瀘水先拜武侯祠

至便水

壁立萬山根齒齒椎鑿痕下空百折江淙淙傾雪溢
馬行瀕一線少措卽鬼門名輕骨自重目怡心不存
我而安樂鄉片烟生遠村前去問何如西南無厚坤

山氣易爲雨九日八日陰滑滑紫泥坂昏昏青髻岑
徒侶托疲驂進止惑鳴禽左右數重瀑練疋垂高林
浣却耳根熱險夷通一心各得骨自重目帥以不守
言從擷香芷五日瀕江路傾危赴偃仰偏乞謝回顧
深林雨濯濯隔水山箇箇亦有不畊人木末營茅蔀
自謂巢屈尊罔知夜郎大

牂牁路

苦風淒淒頑雲墮惡溪警析響晝堡束薪防夜蹊
路從虎穴出家媿鹿門携僕夫欣涉水一洗沒脛泥

衛宿

危城邈山椒睥睨覆斜屋虎視雄千夫雞關啓半宿
咳咳秋鸛叫哀哀夜猿哭新寒薦孤枕風櫺倒巖瀑

昨日

昨日度牂牁神奇應接多漆城新化石碧牖下懸河
山鬼嘯風去雲君乘雨過晚從晴處宿暖酒趁苗歌

中元洞九日

無地不高凭深溪引一繩難忘籬落想得共礪砢僧
秋氣後蕭索雲痕饒壓撐洞中爲九日風雨亦何能

油榨關

千山萬山起險矣亦危哉絕頂雲天接何年霹靂開
西南一綫度荷擔五金來過此名相見誰當叱馭才

九月十日懷余仲茅先生

信宿巒烟裏思君樂在家飲甘惟菊水餉節有松霞

湘碧臨書几嵩高上畫義遠人心則邇難寄日南花

金鳳山懷蔡以寧

沅江曾有一書封寄到應知雪滿松金鳳山中今夕
雨鳴泉閣上去去年鐘

逢貢象使

乘傳安南使文靴裂布冠猙獰伏大力度索下高盤
恩許承雙闕儀能肅百官程多難刻日天近始知寒
邂逅投荒者何時虎拜看

九月望日清平對月

久不見明月見時收雨天城規數家照山抱一輪圓
喧櫪斷芻秣頽樓生爨烟有家應萬里相向各潸然

葛鏡橋

有引

黔之平越府北五里兩崖插天淵深沈黑下有異
物宅焉每渡仆舟烟雲飄忽出沒鬼神居士葛公
名鏡者目擊心動亟伐石山中爲津梁計厥功兩
成兩崩壞之公矢天日日破家從事弗成弗已積

日月以三歲費銖兩以六千落成之日汝陰張大
司馬移鎮三邊儼然臨過物色訪公公已化去乃
爲詩爲文極口贊嘆且礮九尺碑題葛鏡橋三字
不死公云

挿壁下千尋寒潭不測臨恠風喧日晝溺鬼哭天陰
目擊思駟石功垂枉費金再申專力誓不退破家心
此老旣徂落此橋成古今巒碑三字勒禹牒九龍沈
夷險元相待人天亦互欽下車非異姓慷慨發吳音

平越山中

不見鳥飛還只愁天壓山泥行穿谷底火食到人間
澗影石千恠秋光花一班偶聞譚遇虎色變戒前攀
雖是山之窟居然城郭中昔年殘破地今日主人翁
飲沃供椒水盤羞炙草虫荒堆撐白骨薄暮慘陰風

客況

客況亦何常陰晴互愁喜中夜滿樓星平明四簷水

出門猶莽蒼塗人已櫛北山輿覆一席遠若編戶徒
出普定

恠哉兼日路坦坦無迤邐居人不着土結構山之巔
舉爨悞烽燹辟穀餐雲烟久處弗自異行者目爲仙
四序一氣候常此黃花天

自關嶺至查城卽事

駟山叢一會玄默下昭垂有據難爲象無窮不可知
借蹊羅鬼域受禱漢臣祠用夏天心苦勞師物力疲

荒寒餘燼礫殘缺啞泉碑風雨蛟犀鬪水霜草木疑
有途分阮哭似我媿劉癡峽度雷傾地橋飛鐵作維
御魍通四裔委命屬三危雖日前期邇終嫌見事遲
半秋從陸夜六月出門時應馬符虛驗焚魚斧待資
館人凡處處失記姓名誰

鶚歌嘴至普安作

磨刀石畔水鳴咽送斜陽戰骨碑前艸陰凄被早霜
蹲鴟紅芋子鸚鵡綠衣孃止宿多溫語窮途可飫腸

候人應到久指此作桐鄉

谷雲

谷底白雲生瀾瀾海潮湧山椒數點紅網漏珊瑚種
我車沒雲中冥行不知恐滉漾玻璃盤巋然巨靈捧

隣笛

獠人夜吹笛只隔破籬笆石裂山風苦茅寒露月斜
近情皆有怨遠擲豈無家起坐紅衫濕孤檠自落花

白水作

所指為天上程之亦有涯茶窮堪問蔗霜落正開花
館役重呼馬家人學數臥地高山不覺息壤日初斜

至交水

所經兵火地難得此完全鱗次編籬戶棋分放水田
當關一夫敢抱郭四山圓歌者勞勞去居停喚喫煙

及滇

于役多負心言從西山過不讀萬卷書却行萬里路

漢武侯平南會盟處

武侯碑板樹遮陰崩土纍纍踴一岑憶自南人言不
反攻心之法未傳今

望昆明

萬壑赴淙淙全滇茹一腔神仙出雞馬漁子雜羅龐
曉氣腥烟樹天儀挂月艤還嫌疏鑿少未許達川江

歸化寺

初地匝重巒肩墻築未完殿開僧不見佛受海風寒

過唐大來脩圃

小逕延三折中林敞一亭雪團花不冷松落子猶青
得所携家口全神負酒星白雲幾兩屐紫氣五千經
把握還於此山衣罽鶴翎

出郭

三日五日出郭行非曰褐寬藜杖輕寺前芳草芳不
歇雨淚滋青厭人別寺裏山茶芍藥能紅深紅淺炙
千燈盤桓適與茶僧語官長一來長揖去

一月

得到險都忘平添一月忙曉餐中夜給冬日暮春長
梅萼舒藏葉枇杷熟冒霜家書勒馬寄作字不成行

見雪

此地全無雪相聞自客歸懷先納春煦行不絮寒衣
忽見慌慌異因推事事非日南花信早紅白互生輝

明妃圖

漢宮如海春深深國色不滿君王心明妃自信工第
一白壁之用須黃金入門容易蛾眉老出塞可令麟

閣小馬上琵琶血淚枯海西明月寒青草

滇南田家

亂後存餘喘温飽在生物府縣責田荒畊牛負銅出



程